

新刊勿聽子俗解八十一難經

新刊勿聽子俗解八十一難經卷之一

盧國秦越人著述

釐寧勿聽子 熊宗立俗解

○一難曰十二經皆有動脉獨取寸口以決五藏六府死生吉凶之法何謂也然寸口者脉之大會手太陰之脉動也

難去聲證問之辭然者答辭後皆倣此藏去聲下同

經徑也謂無所不通言其有常也脉者元氣也十二經脉皆係生氣之原所謂生氣者十二經之根本也故各經皆有動脉如足陽明經脉動衝陽足少陰經脉動太谿之類寸口者右手氣口也內經曰氣口何以獨爲五藏主岐伯曰胃者水穀之海六府之大源

也。五味入口，藏於胃，變現於氣口。又曰：脉會太淵，口是太淵穴也。是知寸口為脉太會之處，故能斷決五藏六府生死吉凶矣。

人一呼，脉行三寸。一吸，脉行三寸。呼吸定息，脉行六寸。人一日一夜凡一萬三千五百息。脉行五十度周於身，漏水下百刻。榮衛行陽二十五度，行陰亦二十五度，為一周也。故五十度復會於手太陰寸口者，五藏六府之所終始，故法取於寸口也。復按又反

呼者因陽出，吸者從陰入。一呼脉動二至，行三寸。一吸脉動二至，亦行三寸。一呼一吸為一息，故一息之間脉動四至，共行六寸。凡人一日一夜通計，一萬三千

千五百息。每一息六寸。推之。總得八百一十丈。人身
 之經脈計長^{全身}一十六丈二尺。以八百一十丈等除之。
 即得五十度。謂脈循環於周身。一日一夜經過五十
 次矣。榮為血屬陰。衛為氣屬陽。榮行脈中。衛行脈外。
 人之榮衛於銅壺漏水。一日一夜下一百刻之中。行
 陽二十五度。行陰亦二十五度。為一周也。人脈之始
 起於右手肺。其終復會於右手太陰太淵穴。故診脈
 之法。必取右寸。以斷生死吉凶也。○一息脈行六寸。
 二百七十息。脈行一十六丈二尺。為一度循環。周身
 故行陽二十五度。行陰亦二十五度。從子時至巳陽
 也。午時至亥陰也。

○二難曰：脉有尺寸，何謂也？然尺寸者，脉之大要也。從關至尺是尺內陰之所治也。從關至魚際是寸口內陽之所治也。故分寸為尺，分尺為寸。治法去病

脉有二部：寸關尺也。關界也。關界乎中。從關至尺澤穴當一尺。故名之曰尺。從關至魚際穴當一寸。故取寸之名也。關界之上寸口，所屬為陽之所主治也。關界之下尺之所屬為陰之所主治也。故自魚際穴起一寸之後分為尺，自尺澤穴起一尺之前分為寸也。故陰得尺中一寸，陽得寸內九分，尺寸終始一寸九分。故曰：尺寸也。

一寸者，十數偶也。故陰得尺內一寸，應老陰之數九。

分者九數奇也。故陽得寸內九分。應老陽之數。尺寸之分。陰陽所屬。終始一寸九分。是脉要會之去處。可察病之來由。

○三難曰。脉有太過。有不及。有陰陽相乘。有覆。有溢。有開。有格。何謂也。然。關之前者。陽之動也。脉當九分。而浮過者。法曰太過。減者。法曰不及。遂上魚為溢。為外關。內格。此陰乘之脉也。關以後者。陰之動也。脉當見一寸。而沉過者。法曰太過。減者。法曰不及。遂入尺為覆。為內關。外格。此陽乘之脉也。（去聲）

關前寸口。陽脉之動。當現九分。而浮合。陽奇。九數。關後尺部。陰脉之動。當見一寸。而沉合。陰偶。十數。二者。

之脈皆爲平也。尺寸分別陰陽常相濟不可偏勝。一
有偏勝則脈有太過不及。覆溢開格見焉。若陰氣太
甚拒於陽使陽氣不得相營於下。故脈上出於魚際
是名曰溢。謂之外開內格。陰偏勝而乘於陽。是陰太
過而陽不及也。若陽氣太甚拒於陰使陰氣不得相
營於上。故脈下入於尺澤。是名曰覆。謂之內開外格。
陽偏勝而乘於陰。是陽太過而陰不及也。

故曰覆溢是其真藏之脈。人不病而死也。

覆如上傾而下也。溢如內泛出外也。覆溢之脈是陰
陽不相濟。各自偏勝。所謂孤陽不生。獨陰不成。以致
上下相離。是爲真藏之脈。是無胃氣以和之。人雖不

病脉則死也

○四難曰脉有陰陽之法何謂也然呼出心與肺吸入腎與肝呼吸之間脾受穀味也其脉在中

脉有陰陽氣分吹噓在乎呼吸而已心與肺在上爲陽主氣之呼出也腎與肝在下爲陰主氣之吸入也脾雖不主呼吸唯主受納穀味然其位居心肺肝腎之中其脉亦在於四藏呼吸之中矣詳見下文

浮者陽也沉者陰也故曰陰陽也心肺俱浮何以別之然浮而太散者心也浮而短濇者肺也肝腎俱沉何以別之然牢而長者肝也按之濡舉指來實者腎也脾者中州故其脉在中是陰陽之法也

○必列反

音數

太散長者俱陽也。短濇牢實濡者皆陰也。實即不也。外騰於上者謂之浮為陽。則按之不足舉之有餘。降潛於下者謂之沉為陰。則輕手不見重手。乃得心肺在上。故脉俱浮。腎肝在下。故脉俱沉。分別言之。浮而大散者為正陽。是心脉也。浮而短濇者為陽中之陰。是肺脉也。牢而長者為陰中之陽。為肝脉也。按之濡舉指來實者為至陰。是腎脉也。所謂正陽者純陽也。至陰者純陰也。陽中之陰。陰中之陽者。半陰半陽者也。脾屬土象中州。故居心肺腎肝之中。而播敷於四藏。不言脉者。脉在其中矣。是謂陰陽之法也。

脉有一陰一陽。一陰二陽。一陰三陽。有一陽一陰。一陽

一陰一陽三陰如此之言寸口有六脉俱動耶然此言者非有六脉俱動也謂浮沉長短滑濇也浮者陽也滑者陽也長者陽也沉者陰也短者陰也濇者陰也所謂一陰一陽者謂脉來沉而滑也一陰二陽者謂脉來沉滑而長也一陰三陽者謂脉來浮滑而長時一沉也所言一陽一陰者謂脉來浮而濇也一陽二陰者謂脉來長而沉濇也一陽三陰者謂脉來沉濇而短時一浮也各以其經所在名病逆順也

一陰一陽者謂脉來沉而滑現於左手尺部是腎與膀胱之順脉也現於左手寸口是心與小腸之逆脉也一陰二陽者脉來沉滑而長此脉現於陰部是陽

乘於陰也。一陰二陽者，脈來浮滑而長時，一沉也，尺部見之，陽中伏陰也。一陽一陰者，脈來浮而濇，現於右手寸口，是肺與大腸之順脈也。現於左手關中，是肝膽之逆脈也。一陽二陰者，脈來長而沉濇也。此脈現於陽部，是血氣俱虛，為陰乘陽也。一陽三陰者，脈來沉濇而短時，一浮也，寸部見之，陰中伏陽也。各以十二經所在，審四時之候，察六脈之變，可知病名之逆順，以決其凶吉也。

○五難曰：脈有輕重，何謂也？然初持脈，如三菽之重，與皮毛相得者，肺部也。如六菽之重，與血脈相得者，心部也。如九菽之重，與肌肉相得者，脾部也。如十二菽之重，

與筋平者肝部也按之至骨舉指來疾者腎脉也故曰輕重也

圖書

輕清浮於上者爲天重濁沉於下者爲地人秉天地之氣所生五藏之脉亦有輕重浮沉同天地之氣也菽豆也故脉之輕重將菽而較其等第蓋肺爲四藏之華蓋最上等上凡持肺脉要輕手按之如三菽之重只在皮毛之間是肺脉也故肺主皮毛心在肺下居次等凡持心脉要略重些手按之如六菽之重與血脉相得者心脉也故心主血脉脾在心之下居第三等諸藏之中凡持脾脉要半輕半重手按之如九菽之重與肌肉相得者脾脉也故脾主肌肉肝在脾

之下居第四等凡持肝脉要重些手按之如十二菽之重與筋平過者肝脉也故肝主筋腎在四藏之最下第五等九持腎脉須要重下手按之至骨舉指來疾者腎脉也故腎主骨腎不言菽者推之當如十五菽之重矣此章之難惟較脉有輕重之法不謂診切故云持脉

○六難曰脉有陰盛陽虛陽盛陰虛何謂也然浮之損小沉之實大故曰陰盛陽虛沉之損小浮之實大故曰陽盛陰虛是陰陽虛實之意也

陰陽偏勝則有虛實之變此謂寸口脉本浮今反減損而小尺部本沉今反更實大是名陽不足而陰太

過此陰盛陽虛也。不部脉本沉，今反沉之，又加沉寸口。本浮，今反浮而加實大，是名陰不足而陽有餘。此陽盛陰虛也。

○七、難曰：經言少陽之至，乍大乍小，乍短乍長。陽明之至，浮大而短。太陽之至，洪大而長。太陰之至，緊大而長。少陰之至，緊細而微。厥陰之至，沉短而敦。此六者是平脉也。將病脉耶？然，甘王脉也。其氣以何月？各王幾日？然，冬至之後，得甲子，少陽王；復得甲子，陽明王；復得甲子，太陽王；復得甲子，太陰王；復得甲子，少陰王；復得甲子，厥陰王。各六十日，六六三百六十日，以成一歲。此三陰三陽之王時，日大要也。

①②③並去声 ④按又反

陰陽二氣更迭乎四時冬至則陰極陽生夏至則陽極陰生此謂冬至後得甲子日少陽初氣始生王六十日當此之時其氣尚微其候尚寒故脉進退無常大小長短不定第一甲子日或在正月或二月或三月交陽明二氣王六十日當此之時其氣始萌未盛其候始暄故脉來浮大而短第二甲子日或在三月或四月或五月交太陽三氣王六十日當此之時其氣大盛其候大熱故脉來洪大而長夏至後得第四甲子交太陰四氣王六十日當此之時其氣承夏餘陽陰氣初生其候暑濕故脉緊大而長第五甲子日或在七月或八月或九月交少陰五氣王六十日當此之

時陽氣衰微，陰氣漸盛，其候清涼，故脈緊細而微。第六甲子或在九月或十月交厥陰，終氣壬六十日當此之時，陰氣極盛，其候寒凝，故脈沉短而數數者重也。凡此六者，非謂平脈，亦不言病脈也。是三陰三陽所主時候之要訣也。

○八難曰：寸口脈平而死者，何謂也？然，諸十二經脈者，皆係於生氣之原。所謂生氣之原者，謂十二經之根本也。謂腎間動氣也。此五藏六府之本，十二經脈之根，呼吸之門，三焦之原。一名守邪之神。去者後凡說

萬物所生，必有其原。夫人，生氣之原者，腎間動氣是也。腎之動脈，在足內踝骨上動脈陷中，名曰太谿穴。

是足少陰腎之經。男子以左腎爲命門。女子以左腎爲命門。主生死之要。故謂命門脉。此係生氣之原。藏府經絡之根本。通呼吸之門。作三焦之原。又名守邪之神者。言其能建立根本。保守形真。扶衛內外。不使閑邪傷其身也。

故氣者人之根本也。根絕則莖葉枯矣。寸口脉平而死者。生氣獨絕於內也。

故此動氣是人之根本也。譬如樹之有根。根本堅固則枝葉茂盛。根絕則枝葉枯矣。寸口脉平而死者。是此生氣之動脉已絕矣。凡病必診太谿脉之有無以決其生死也。

○九難曰何以別知藏府之病也然數者府也遲者藏也數則爲熱遲則爲寒諸陽爲熱諸陰爲寒故以別知藏府之病也訓彼列反入聲

傷寒論太陽陽明少陽三陽受病屬府府爲陽陽主熱也太陰少陰厥陰三陰受病屬藏藏爲陰陰主寒也是知諸陽爲熱諸陰爲寒寒則脈遲熱則脈數故可別知藏府之病

○十難曰一脈爲十變者何謂也然五邪剛柔相逢之意也

五邪者虛邪實邪微邪賊邪正邪也剛柔者陰陽也剛爲陽曰其柔爲陰曰微此謂一部之脈相生相剋

遂分五邪。剛柔相逢則或盛或微。遂成十變。今以心部爲例。說見下文。餘部倣此而推。

假令心脉急甚者。肝邪干心也。心脉微急者。膽邪干小腸也。（平声下同）

急猶弦也。肝之脉也。假如心脉當王之時。反見弦急之甚者。肝邪干心也。心脉微急者。膽邪干小腸也。木生火。謂母來生我。爲從後來者。爲虛邪。

心脉太甚者。心邪自干心也。心脉微大者。小腸邪自干小腸也。

大猶洪也。心部脉見大。是自家之脉。心邪自干心。爲正邪。

心脉緩甚者脾邪干心也。心脉微緩者胃邪干小腸也。緩慢也。脾土之脉。心部見之。火生土是我去生子爲從前來者爲實邪。

心脉瀦甚者肺邪干心也。心脉微瀦者大腸邪干小腸也。

瀦肺之脉。心部見之。火尅金是夫乘妻從其所勝者爲微邪。

心脉沉甚者腎邪干心也。心脉微沉者膀胱邪干小腸也。

沉者腎脉也。心部見之。水尅火鬼來尅我是從所不勝者爲賊邪。

五藏各有剛柔邪故令一藏變爲十也

五藏之脉各有五邪而五邪各分剛柔一變二五爲十故一藏之脉有十變也此止言心之一藏其餘肝腎肺脾四藏各倣此而推之

○十一難曰經言脉不滿五十動而一止一藏無氣者何藏也然人吸者隨陰入呼者因陽出今吸不能至腎至肝而還故知一藏無氣者腎氣先盡也

五十合天地造化之數易繫辭曰太衍之數五十乃備一是數之始十是數之極人之脉息晝夜循環五藏脉一動循一藏五動循環五藏遍周而復始五十動則是十次五藏循環遍則數皆至極數而不見止

脉者五藏皆平故無病也。今不滿五十動而見止脉，是一藏無氣。謂平人一呼脉兩動，一動肺；一吸脉兩動，一動肝；一動腎，心肺陽也，故云呼因陽出，肝腎陰也，故云吸隨陰入。脾居中位，脉動呼吸兩界之間，平人脉亦有一息五至者，一動是脾脉也。假如一呼一吸脉四動，初動肺二動，心三動，脾四動，肝而止却還復動肺，是不至腎也。故腎藏無氣如此，只在肺、心、脾、肝四藏循環，皆滿十之極數，則四十動後乃見止脉，是知腎之一藏無氣而先絕也。

○十二難曰：經言五藏脉已絕於內，用鍼者反實其外；五藏脉已絕於外，用鍼者反實其內。內外之絕，何以別？

乏然五藏脉已絕於內者腎肝脉絕於內也而醫反補其心肺五藏脉已絕於外者其心肺脉絕於外也而醫反補其腎肝陽絕補陰陰絕補陽是謂實實虛虛損不足而益有餘如此死者醫殺之耳

○按列及後並同

五藏之中心肺在上爲陽應乎外主氣血皮毛故云呼出心與肺則呼因陽出於外也腎肝在下爲陰應乎內主筋骨故云吸入腎與肝則吸隨陰入於內也今云五藏之脉絕於外者心肺脉絕於外也醫反以鍼補其內之腎肝五藏之脉絕於內者腎肝脉絕於內也醫反以鍼補其外之心肺是謂陽絕補陰陰絕補陽也經云虛者補之實者瀉之今心肺之脉浮大

之盛此心肺有餘之實熱是當瀉之醫反以藥補其
心肺而瀉其腎肝腎肝之脉遲濡之盛此腎肝不足
之虛寒是當補之醫反以藥瀉其腎肝而補其心肺
是謂實其實虛其虛損其不足益其有餘如此而死
者醫殺之明矣馮氏謂此篇當在六十難之後以用
針補瀉之類相從也

○十三難曰經言見其色而不得其脉反得相勝之脉
者即死得相生之脉者病即自已

見其色而不得其脉者是色與脉不相應也假如肝
之青色見於面而脉反浮濇而短者是肺脉也肺金
剋肝木爲賊邪是相勝之脉病即死也若得沉滑腎

之脉腎水生肝木是相生之脉其病自愈也

色之與脉當參相應爲之奈何然五藏有五色皆見於面亦當與寸口尺內相應假令色青其脉當弦而急色赤其脉浮大而散色黃其脉中緩而大色白其脉浮濡而短色黑其脉沉濡而滑此所謂五色之與脉當參相應也應平声見音現

五藏五色肝青心赤脾黃肺白腎黑也若一色現於面即當與寸關尺脉之相應是色與脉當參相應也假如青色現於面其脉弦而急是肝之順脉此相應也其餘倣此而推

脉數尺之皮膚亦數脉急尺之皮膚亦急脉緩尺之皮

膚亦緩脉濇尺之皮膚亦濇脉滑尺之皮膚亦滑入
尺者肺范指尺澤穴是臂內也數心脉也急肝脉也
緩脾脉也濇肺脉也滑腎脉也假如脉數而臂之皮
膚亦數是脉與皮膚內外相應故無病若脉滑而臂
之皮膚反濇是皮膚與脉內外不相應故病也

五藏各有聲色臭味當與寸口尺內相應其不相應者
病也應平聲

肝脉弦其色青其聲呼其臭臊其味酸心脉洪其色
赤其聲笑其臭焦其味苦脾脉緩其色黃其聲歌其
臭香其味甘肺脉濇其色白其聲哭其臭腥其味辛
腎脉沉其色黑其聲呻其臭腐其味鹹此謂相應也

假如肝病色白多哭好弄喜塵此謂不相應也。色
臭味皆肺之證。金尅木白賊邪故病也。

假令色青其脉浮濇而短若大而緩爲相勝浮大而散
若小而滑爲相生也。

色青是肝木其脉浮濇而短是肺脉金尅木也是爲
賊邪若大而緩是脾脉木尅土也是爲微邪此二者
皆謂之相勝其脉浮大而散是心脉木生火也若脉
小而滑是腎脉水生木也二者皆謂之相生餘色倣
此類推。

經言知一爲下土知二爲中土知三爲上土上土者十
金九中土者十金八下土者十金六此之謂也。

上工者能知五藏聲色臭味而爲五藏之病又知寸口尺內脉之相應又知相勝相生之理知此三者則治病十可全九中工者能知五藏聲色臭味及寸口尺內脉之相應而不知相勝相生之理則治病十可全六下工者但知五藏聲色臭味而已則治病十可全六

新刊勿聽子俗解八十一難經卷之一終

新刊勿聽子俗解八十一難經卷之二

○十四難曰脉有損至何謂也然至之脉一呼再至曰平三至曰離經四至曰奪精五至曰死六至曰命絕此死之脉也何謂損一呼一至曰離經二呼一至曰奪精三呼一至曰死四呼一至曰命絕此謂損之脉也至脉從下上損脉從上下也上聲上聲下聲字上聲下聲損者不交也至者太過也從下漸增於上曰至從上漸減於下曰損脉之一呼再至即一息四至平脉也一呼三至即一息六至數脉一呼一至即一息二至敗脉此二者一至一損皆曰離經離經者離其常經而病也一呼四至即一息八至脫脉二呼一至即一

息一至敗脉。此二者。一至一損皆曰奪精。奪精者氣
耗血枯神慘。色奪其精華猶如奪去也。一呼五至即
歸其脉。三呼一至即二呼一吸得一至。此二者。一至
一損皆曰死也。一呼六至即絕魂脉。四呼一至即兩
息一至。至惟脉。此二者。一至一損皆曰命絕。命絕者藏
敗神去氣絕則死也。本經云。此死之脉也。死字當作
至。

損脉之為病奈何。然。一損損於皮毛。皮聚而毛落。二損
損於血脉。血脉虛少不能榮於五臟六府也。三損損於
肌肉。肌肉消瘦飲食不能為肌。膚四損損於筋。筋緩不
能自收持。五損損於骨。骨痿不能起於牀。反此者至

收病也。從上下者，骨痿不能起於牀者，死。從下上者，皮聚而毛落者，死。上，收字。下，上聲。上上，下如字。

五藏最居於上者，為肺。蓋肺為諸藏之華蓋，內受諸經百脉之朝會。外主榮於皮毛。今損脉為病，自上而下。先損肺，故皮枯而毛折也。其次曰心，心在肺下，為之君主，專主血脉。故二損損於心，則身無主宰，血脉枯虛，不能榮華五藏六府也。其次曰脾，脾在心下，受納五穀之氣，外充肌肉，內養藏府。故三損損於脾，則飲食不化，肌肉消瘦也。其次曰肝，肝在脾下，主受心血，內養於筋，外華在爪。故四損損於肝，則筋衰緩縱，不能收拾維持也。腎最在下，主受五藏六府之精華。

外主毫髮內主骨髓故五損損腎則骨枯髓竭痿弱
臥床不能起也蓋此五者謂之損脉之病是從下而
下從肺損至腎也反此五者謂從上而止從腎至肺
是至脉之病也本經言至於收病也於收二字當作
脉之二字恐傳寫之誤矣

然治損之法奈何然損其肺者益其氣損其心者調其
榮衛損其脾者調其飲食適其寒溫損其肝者緩其中
損其腎者益其精此治損之法也

形寒飲冷則傷肺肺主氣故損於肺者當補益其氣
氣調百脉則精華潤於皮毛憂愁思慮則傷心心主
血脉故損於心者當調和榮衛則血脉貫通飲食勞

倦則傷脾。脾旺四季。主飲食。故損於脾者。當以飲食之性。味。隨四時寒溫之氣。而調適其宜。則自然充養肌肉。素怒氣逆。則傷肝。肝主怒。故損於肝者。當宜食甘物。如粳米。牛肉。棗。葵之類。甘屬脾土。味性緩。肝之性急。故以甘味以緩之。則筋脉自然營運。久坐濕地。強力房勞。則傷腎。腎藏精。爲養身之本。故損於腎者。當調宜鹹味。以補益其精。精氣充備。則能養乎骨髓也。此五者治損之要法也。治至之法。以意類推。

脉有一呼再至。一吸再至。有一呼三至。一吸三至。有一呼四至。一吸四至。有一呼五至。一吸五至。有一呼六至。一吸六至。有一呼一至。一吸一至。有再呼一至。再吸一

至有呼吸至脈來如此何以別知其病也
有呼吸再至即一呼一至一吸一至也謂疑似衍文
○此一節重說損至之脈動數詳見下文

然脈來一呼再至一吸再至不大不小曰平一呼三至
一吸三至為適得病前大後小即頭痛目眩前小後大
即胃滿短氣

脈來一呼再至一吸再至不大不小至數勻調即平
人之脈也一呼三至一吸三至名曰數脈適始初也
前大後小者寸前之大也寸為上部法天主胃以上
至頭之有疾故頭腦疼痛眼目眩暈前小後大者寸
後之大也關主中部法人主胃下至臍之有疾故胃

滿滿塞氣息短促

一呼四至。一吸四至。病欲甚。脈洪大者。苦煩滿沉細者。腹中痛滑者。傷熱。濇者。中霧露。（中）上平声下去声

此言一息八至之脈。是病漸進至甚也。脈若洪大者。病在二陽。為陽甚之脈。故主心胃痛悶。苦於煩熱也。若脈沉細者。病在三陰。為陰甚之脈。故主虛寒不足。腹中疼痛。滑者。陽氣有餘。主傷熱毒。濇者。氣虛血少。因中霧露。冒觸寒邪。

一呼五至。一吸五至。其人當困。沉細夜加。浮大晝加。不大不小。雖困可治。其有大小者。為難治。

八至曰脫。九至曰死。此言一息十至是歸墓也。其病

當困。若脉沉細是陰之極。主夜必劇。若脉浮太是陽之極。主晝必劇。不大不小不浮不沉。病雖困劇亦可愈。其有乍太乍小。乍數乍遲者死也。

一呼六至。一吸六至。為死脉也。沉細夜死。浮大晝死。

一息十二至。謂之絕魂。為陽極之脉也。若得沉細。遇夜必死。若浮大晝日必死。陰陽之分也。已上四段說至脉。

一呼一至。一吸一至。名曰損。人雖能行。猶當著床。所以然者。血氣皆不足故也。

此已下說損脉。一息一至。一息一至。皆為敗脉。故名曰損。謂五藏六府之虛損也。榮衛虛耗。藏府失於滋

養是皆血氣不足。雖能強力而行。猶當著床而卧也。再呼一至。再吸一至。名曰無魂。無魂者。當死也。人雖能行。名曰行屍。

即一息一至。魂屬陽。魄屬陰。無魂是陽絕而魂去也。人難能行動。其屍已死矣。故曰行屍。

上部有脉。下部無脉。其人當吐。不吐者死。上部無脉。下部有脉。雖困無能爲害。所以然者。譬如人之有根。樹之有根。枝葉雖枯。槁根本將自生。脉有根本。人有元氣。故知不死。

譬如二字。當在人之有穴下。寸部有脉。尺部無脉。是邪實在上。即當發吐。不吐者。生氣獨絕於內也。故知。

必死。蓋尺內有候腎右命門乃裨精之所含原氣之所係。今寸部無脉尺部有脉其人雖困是元氣尚在猶能安愈。人之有尺譬如樹之有根枝葉雖枯槁根本還自生脉有根本是以有元氣故知不死也。

○十五難曰經言春脉弦夏脉鉤秋脉毛冬脉石。是王脉耶將病脉也。然弦鉤毛石者四時之脉也。春脉弦者肝東方木也。萬物始生未有枝葉故其脉之來濡弱而長故曰弦。夏脉鉤者心南方火也。萬物之所茂垂枝布葉皆下曲如鉤故其脉之來疾去遲故曰鉤。秋脉毛者肺西方金也。萬物之所終草木華葉皆秋而落其枝獨在若毫毛也。故其脉之來輕虛以浮故曰毛。冬脉石者

腎北方水也。萬物之所藏也。極冬之時，水凝如石。故其脈之來沉濡而滑曰石。此四時之脈也。田去聲。平，聲。魚凌反。

此言四時之脈。本經說之詳矣。蓋謂春之脈濡弱而長曰弦。非其弦也。是微弦也。夏之脈來疾而去遲曰鉤。是微洪也。秋之脈輕虛以浮曰毛。謂浮濡而短如風吹毛如水浮萍。是微浮也。冬之脈沉濡而滑曰石。是微沉也。春微弦。夏微洪。秋微浮。三者是九候內之浮中脈也。微沉者是九候內之中沉脈也。中為胃氣。故四微者皆有中之胃氣。故為平脈。
如有變奈何。

此總持起四時之脈。如有更變者何如。

然春脉弦反者為病何謂反然其氣來實強是謂太過
病在外氣來虛微是謂不及病在內氣來厭厭聶聶如
循榆葉曰平益實而滑如循長竿曰病急而勁益強如
新張弓弦曰死但弦無胃氣曰死春以胃氣為本

謂春脉當弦若與弦脉相反則為肝病方春少陽用
事之時脉得微弦是有胃氣今脉氣之來實強是弦
之太過此陽太盛也其病則外證面青善怒眩冒顛
走厥陰養於筋其脉弦今更虛微是弦之不及此陰
厥乎中其病在內則令人胃脘痛滿轉筋方春少陽
厥陰二氣俱合其脉之來厭厭聶聶如春風吹榆葉
濡弱而調者是微弦也謂有胃氣在中故曰平脉若

益實而滑。如循長竿者。即前實弦之謂。是九候浮中
沉浮多而中之胃氣少也。故曰病若急而勁。益強如
新張弓。是真弦。脉獨現。此無胃氣。故曰死。後論微弦
者。如九候內浮中沉。弦是浮也。微弦是中之胃氣。故
曰平。脉弦多胃氣少者。是二分浮一分中也。故病但
弦者。只見其浮而無中之胃氣。為真藏之現。必死。是
一故。四季五藏之氣。皆以胃氣為本。胃者水穀之海。人
受氣於穀。穀入於胃。乃傳與五藏六府。此說者以胃
氣為本。其餘四藏並皆倣此。

夏脉鉤。反者為病。何謂反。然氣來實弦。是謂太過。病在
外。氣來虛微。是謂不及。病在內。其脉來累累如環如循。

琅玕曰平來而益數如雞舉足者曰病前曲後居平聲大搖帶鉤曰死夏脉微鉤曰平鉤多胃氣少曰病但鉤無胃氣曰死夏以胃氣為本平聲入聲平聲居月平聲

謂夏脉當鉤若與鉤脉相反則為心病方夏太陽用事之時脉得微鉤是有胃氣今反實強是鉤之太過外證面赤口乾喜寒身熱膚痛夏心火少陰盛旺今反脉見虛微是鉤之不及內證煩心心痛上見衄血下為氣泄其脉來累累如珠如循琅玕即浮大而散是微鉤也謂有胃氣在中故曰平脉心脉本當浮散今反數如雞舉足而走者是鉤多而胃氣少故心有病也脉來前鉤曲而無力後倨然而不動如勁直操

執革帶之鈞者，是但鈞而無胃氣，故死也。後論鈞者，浮大也。以浮中沉論鈞，屬於浮微鈞者，浮大而散，是有中之胃氣，故曰平脉。此說夏以胃氣為本。

秋脉毛反者，為病何謂反然？其氣來實強，是謂太過，病在外，氣來虛微，是謂不及，病在內。其脉來譫譫如車蓋，按之益大，曰平。不上不下，如循雞羽，曰病。按之蕭索如風吹毛，曰死。秋脉微毛，曰平。毛多胃氣少，曰病。但毛無胃氣，曰死。秋以胃氣為本。

謂秋脉當毛。若與毛脉相反，則為肺病。方秋太陰用事之時，脉得微毛，是有胃氣。今反實強，是毛之太過。外證面白，善噫，悲愁，欲哭，氣逆，背痛。秋肺金陽明之

氣今反脉見虛微是毛之不及也。內證喘咳洒淅寒熱其脉之來如小車之蓋輕浮謦謦然按之益太是微毛也。知有胃氣故曰平脉。按之中間堅兩旁虛不上不下。如循雞羽。漶漶然。是毛多胃氣少也。故病按之消索如風吹毛紛紛然飄騰無歸者是但毛而無胃氣也。故曰死。此言秋以胃氣為本。

冬脉石。反者為病。何謂反然。氣來實強。是謂太過。病在外。氣來虛微。是謂不及。病在內。脉來上大下銳濡滑如雀之喙曰平。喙連屬其中微曲曰病。來如解索去如彈石曰死。冬脉微石曰平。石多胃氣少曰病。但石無胃氣曰死。冬以胃氣為本。

●音惠 ●音卓 ●音鸞 ●平声

謂冬脉當石。若與石脉相反。則為腎病。方冬厥陰用
事之時。脉得微石。是有胃氣。今反實強。是石之太過。
外證面黑。善恐。欠少氣。寡言。冬寒水太陽之氣。今反
脉見虛微。是石之不及。內證氣逆。少腹痛急。下泄脛
寒。雀喙。謂本大末小。上大者足太陽應手而大也。下
銳者足少陰診之去而小也。陰陽得所為胃氣強。故
曰平脉。是為微石。即沉瀉而滑也。若脉喙喙而相連。
屬其中。緩而微曲者。脾脉尅腎。謂石多而胃氣少也。
故曰病脉。若來如解索之遲緩。去如彈石之急疾者。
是但沉而無中之胃氣。故曰死脉。此言冬以胃氣為

本

胃者。水穀之海。主稟四時。皆以胃氣爲本。是謂四時之變病。死生之要會也。

胃大一尺五寸。長二尺六寸。盛留穀。一斗水。一斗五外。故爲水穀之海。四時春夏秋冬。皆稟受胃氣爲根本。所以春弦多胃少。夏鈞多胃少。秋毛多胃少。冬石多胃少。皆能爲四時之變病。是知有胃氣即生。無胃氣即死。故胃爲死生之要會也。胃氣者。脈來不澀。不小。不長。不短。不浮。不沉。不滑。不澀。不緊。不緩。應手中和。意思欣欣。難以名狀者。是胃之氣也。

脾者。中州也。其平和不可得見。衰乃見耳。來如雀之啄。如水之下漏。是脾之衰見也。見上如字。下並音現。

胃爲水穀之海，廣能容納水穀，脾居四藏之中，主行水穀之精氣，而敷播於五藏六府，通灌於上下四旁，故號中州。其平和之脉，寄旺於四季，故不可得見。脾衰乃見雀啄屋漏之脉，雀啄之狀，來而急數頻絕而止，良久準前後來，如雀啄食，謂來三而去一也。水漏之狀，如屋之漏，滴不相連續，或來或止也。叔和謂見此兩脉，終不可治。

○十六難曰：脉有三部九候，有陰陽，有輕重，有六十首。一脉變爲四時，離聖久遠，各自是其法，何以別之？然其病有內外證，其病爲之奈何？
去声 必列反

三部九候詳見十八難。陰陽詳見四難。輕重詳見五

難六十首詳見七難謂自冬至後甲子少陽至之類
六甲而終於一歲是也一脉變為四時五邪十變也
詳見十難此五者各自是一法皆診脉之要今去上
古聖人久遠何以分別之當視其病各有內外證而
與脉之相應也證之與脉不可偏廢說見下文本經
云然是其病是字當作視

然假令得肝脉其外證善索面青善怒其內證臍尤有
動氣按之牢若痛其病四肢滿閉淋瀝使難轉筋有是
者肝也無是者非也

平声下月 平声去声

善喜也肝與膽相為表裏膽為清淨之府故喜索淨
面青肝膽之色膽為中正之官正直無私專主決斷

在志
在聲
又

其志主怒已上肝之外證也其內證動氣即積氣也
肝之積曰肥氣肝在左故在膈之左按之堅牢若痛
脾主四肢今肝木病不能制脾土故四肢滿閉肝脉
循陰器故癰溲小便淋瀝也肝在下部今肝病則氣
逆不行於下故太便不通肝合盞以養筋肝受病則
血衰而筋轉也假令得肝脉有此證者肝病也無是
證者非也

假令得心脉其外證面赤口乾喜笑其內證脉上有動
氣按之牢若痛其病煩心心痛掌中熱而哕有是者心
也無是者非也

心色赤生熱故面赤口乾燥心在聲為笑故喜笑此

外證也。其內證，膺上有動氣，心在上，故心之積在膺上。名曰伏梁。心為五藏之君，下身之主，九有病皆煩心。心之常痛，乃心包絡也。正心不受病，真心痛則旦發夕死，夕發旦死也。手少陰心脉入掌中心，有熱所以掌中熱而哕。哕，乾嘔也。假令得心脉，有此證者，心病也，無是證者，非也。

假令得脾脉，其外證面黃，善噦，善噦，善噦，其內證當臍有動氣，按之牢，若痛，其病腹脹滿，食不消，體重，節痛，怠惰嗜卧，四肢不收，有是者脾也，無是者非也。

○

烏介反

脾色黃，脾胃不和，中焦不能腐化水穀，故善噦也。脾在志為思，其病喜思。脾受五穀之味，有病則喜味，此

爲外證其內證。臍中之動氣。脾居中。故脾之積在臍。
中名曰痞氣。脾惡濕。濕氣乘之。令人腹滿。食不能消。脾
主四肢。脾既病。則体重。節痛。怠惰好卧。四肢不能收
拾也。假令得脾。脉有此證者。脾病也。無是證者。非也。
假令得肺。脉其外證。面白。善嚏。悲愁。不樂。欲哭。其內證。
臍右有動氣。按之牢。若痛。其病喘咳。洒淅寒熱。有是者。
肺也。無是者。非也。 （音帝）音洛

白。乃肺之色。肺有病。其色現於面。鼻爲肺之竅。肺受
風寒。通於鼻。故善嚏。肺在志爲悲。在聲爲哭。脾主歌。
樂。今子病母憂。故悲愁。不樂。而欲哭。此外證也。其內
證。臍右有動氣。肺居右。故肺之積在臍右。名曰息贍。

肺主氣爲諸藏華蓋最喜清虛受風邪則氣迫逆故喘急咳嗽肺主皮毛受風寒則洒洒惡寒漸漸發熱言在皮毛之表而不在裏也假令得肺脈有此證者肺之病也無此者非也

假令得腎脈其外證面黑善恐欠其內證臍下有動氣按之牢主痛其病逆氣小腹急痛泄如下重足脛寒而逆有是者腎也無是者非也

黑腎之色也腎在志爲恐若有病則恐欠怖懼而不安此外證也其內證臍下有動氣腎居下部故腎之積在臍下名曰奔豚腎藏津液若病則津液不得流行故氣逆上而喘也足少陰腎之脈循少腹至足內

踝上動脈腎之病故少腹急痛而足脛寒逆或泄利裏急後重名曰大瘕泄是腎之泄也假令得腎脈有此證者腎之病也無此者非也

○十七難曰經言病或有死或有不治自愈或連年月不已其死生存亡可切脈而知之耶然可盡知也

然可盡知也謂切脈可以盡知矣下文止說死證而已其不治自愈連歲月不已兩證未見此下當有關文

診病若閉目不欲見人者脈當得肝脈強急而長而反得肺脈浮短而滿者死也病若閉目而渴心下牢者脈當得緊實而數而反得沉濡而微者死也病若吐血復

動衄血者，脈當得沉細而反浮大，而牢者死也。病若謔言妄語，身當有熱，脈當洪大，而反手足厥冷，脈沉細而微者死也。病若太腹而洩者，脈當微細而濡，反緊大而滑者死也。（國）去声（國）入声（國）音求（國）女六反（國）或康反

閉目是肝家病，不見強急而長，肝病之脈，而反得浮短而濡之肺脈，是肺金尅肝木也。開目而渴，心下堅者是心家病，不見緊實而數，心病之脈，而反得沉濡而微是腎脈，腎水尅心火，謂陽病見陰脈者死。動衄，鼻出血也。吐血，動衄。此朱血而虛，脈當沉細而濡，與病相應。今反得浮大，而牢之實脈，是病與脈相違，謔言呢喃也。妄語，狂言錯亂也。熱乘於心，主謔言妄語。

身當有熱，脈當洪大，方為相應。今反手足逆冷，脈沉細而微，是病與脈相反也。腹大而洩者，鬱氣乘於脾，故脈當微細而濡，是為相應。反得緊大而滑者，肝木尅脾土也。凡此五者，病不應脈，脈不應病，病脈相反，皆死必也。

新刊勿誤子俗解八十一難經卷之二終

新刊勿齋子俗解八十一難經卷之三

○十八難曰脉有三部。部有四經。手有太陰陽明足有太陽少陰爲上下部。何謂也。

三部寸關尺也。部有四經。通兩手而言。每部各有四經。合爲十二經也。肺最居上。腎最在下。肺爲手太陰大腸手陽明二者屬金。相爲表裏。金浮於上。居於上部。腎爲足少陰膀胱足太陽二者屬水。相爲表裏。水性下流。居於下部。此言何謂下文見之。

然手太陰陽明金也。足少陰太陽水也。金生水。水流下行而不能上。故在下部也。足厥陰少陽木也。生手太陰少陰火。火炎上行而不能下。故爲上部。手心主少陽火。

生足太陰陽明土土主中官故在中部也此皆五行子母更相生養者也

手太陰肺手陽明大腸二經屬金足少陰腎足太陽膀胱二經屬水金能生水金浮於上而不下故爲上部水性下流而不能上故爲下部足厥陰肝足少陽膽二經屬木手少陰心手太陽小腸二經屬火木能生火火性炎上而不下故爲上部手少陽三焦手厥陰心包絡二經亦屬火足太陰脾足陽明胃二經屬土手心主相火與三焦之火共生土五行以土主中官故爲中部十一經之脉始於右寸金生左尺水生左關木生左寸君火君火與右尺相火相應生

右關土。土以生右寸金。此是脈中之五行。母子相生相養之道。

脈有三部九候。各何所主之。然三部者。寸關尺也。九候者。浮中沉也。上部法天。主胃已上至頭之有疾也。中部法人主膈下。至臍之有疾也。下部法地。主臍已下至足之有疾也。審而刺之者也。

三部。寸關尺也。人之一身。可分作三傳。爲上中下三部。每部又分天地人三候。而三候之中。各有浮中沉三證。三三見九。是爲九候。浮爲陽。沉爲陰。中者浮沉之中。陰陽相半也。當詳十五難。胃氣以明之。寸爲上部。法象乎天。主胃已上至頭之有疾。關爲中部。以應

乎人主。膈下至臍之有疾，尺爲下部而應乎地。主臍下至足之有疾，然診者須當詳審而刺中其證，按也。此，一節當是十六難若錯簡在此。

人病有沉滯久積聚，可切脉而知之耶。然診病在右脇，有積氣得肺脉結，脉結甚則積甚，結微則氣微。

肺之積氣曰息賁，可切脉以知其病之甚微。肺有積其脉當得結，脉來緩時一止復來曰結。陰盛則結也。脉得結之甚，則積亦甚。脉得結之微，則氣亦微也。

診不得肺脉而右脇有積氣者，何也。然肺脉雖不見，右手脉當沉伏。其外癰疾同法耶。將異也。然結者脉來去時一止無常數，名曰結也。伏者脉行筋下也。浮者脉在

肉上行也。左右表裏法皆如此。假令脉結伏者，內無積聚，脉浮結者，外無痼疾。有積聚，脉不結伏；有痼疾，脉不浮結。爲脉不應病，病不應脉，是爲死病也。

此言右脇有肺之積，雖然肺脉不見結，亦當右手之脉見沉伏也。氣積於藏，屬裏，故脉當沉伏。倘若外之痼疾同此診法，否是不同也。結者，脉來去時一止無常數也。伏者，脉行筋下，屬裏，浮者，脉行肉上，屬表，不問積之在左在右，脉之在表在裏，凡診之法皆同如。此推之，假令脉得結而伏，屬裏而內無藏之積，脉得浮結，屬表而外無痼疾，或有積氣者，脉不見結伏，有痼疾者，脉不見浮結，此四者是皆相反爲病，與脉不

相應皆死病也。右一節當是十七難，連年不已。若
○十九難曰：脉有逆順，男女有恒，而反者何？謂也。然男
子生於寅，寅爲木陽也；女子生於申，申爲金陰也。故男
脉在關上，女脉在關下。是以男子尺脉恒弱，女子尺脉
恒盛，是其常也。反者，男得女脉，女得男脉也。

恒，常也。脉有陰陽逆順之道，男女各有常理。今而反
者，如何？且如歲時，冬至後從子，至巳爲陽；夏至後從
午，至亥爲陰。人之元氣皆始於子，子者坎位，天一生
水，萬物之所始也。男子從子，左行三十至巳，陽也，故
三十而娶。女子從子，右行二十至巳，陰也，故二十而
嫁。巳者陰陽之分也。從巳懷娠，男娠自己左旋十月，

而生於寅子至寅三陽全也。女娠自巳右旋十月而生於申子至申三陰全也。又曰寅爲木木生火火生在寅而性炎上故男脉在關上申爲金金生水水生於申而性流下故女脉在關下。所以男脉在關上故尺脉常弱女脉在關下故尺脉常盛反者是男子尺脉盛而女子尺脉反弱也。

其爲病何如。然男得女脉爲不足病在內左得之病在左右得之病在右。隨脉言之也。女得男脉爲太過病在四肢左得之病在左右得之病在右。隨脉言之此之謂也。

男子以陽用事今陽脉不見於寸口而寸口反得女

子陰弱之脉是為不及陰主內故病在內左手得之病在內之左右手得之病在內之右也女子以陰用事寸口脉常沉弱今反得男子陽盛之脉為太過陽主外故病在四肢病得左右亦隨脉在左右手而言也

○二十難曰經言脉有伏匿伏匿於何藏而言伏匿耶然謂陰陽更相乘更相伏也脉居陰部而反陽脉見者為陽乘陰也脉雖時沉濡而短此謂陽中伏陰也脉居陽部而反陰脉見者為陰乘陽也脉雖時浮滑而長此謂陰中伏陽也

伏匿者陰陽偏勝更相乘更相伏也尺之陰部見浮

滑長大之脉爲陽乘陰也。陰虛不足故陽入乘之。又於寸口陽脉之中有時或見沉瀹短小之脉是陽中伏陰也。若寸口陽部見沉瀹微短之脉爲陰乘陽也。陽虛不足故陰性乘之。又於尺部陰脉之中有時或見浮滑長大洪數之脉是陰中伏陽也。

重陽者。往。重陰者。癰。脫陽者。見鬼。脫陰者。目盲。

○平聲

重陽者。謂陽部中更加洪大滑數浮長之脉。故令人發狂。弄衣登高也。重陰者。謂陰部中更加微瀹沉短之甚。故令人發癰。僂仆於地。閉目不醒。良久復甦也。脫陽者。無陽氣也。謂寸脉細微之甚。則令人見幽陰之鬼。脫陰者。無精氣也。謂尺脉微細之甚。是陰氣已

脫五藏不能營於目故目盲無所視也此節當在五十九難錯簡在此

○二十一難曰經言人形病脉不病曰生脉病形不病曰死何謂也然人形病脉不病非有不病者也謂息數不應脉數也此大法

脉病形不病名曰行屍謂人雖能行其屍已死矣人形病脉不病者豈有不病者耶謂病形已具而脉反得和緩而平是病形既羸瘦氣血不足呼吸遲緩則脉之動息亦遲慢不能如平人一日一夜計一萬三千五百息之數是爲息數不能與脉數相應也此難答文似當有關誤

○二十二難曰。經言。脉有是動。有所生病。一。脉輒變。爲一病者。何也。然。經言。是動者。氣也。所生病者。血也。邪在氣。氣爲是動。邪在血。血爲所生病。

仲景言。動脉。是數脉。見於關上。上下無頭尾。如豆大。厥厥動搖者。名曰動。陰陽之氣相搏耳。氣爲傷血。爲陰。二者相爲表裏。而循經絡。氣先中於邪。則氣爲之是動。氣既受邪。必傳與血。故血壅不行。而病所由生。此所謂一。脉之動。變爲氣血兩般之病也。

氣主煦之。血主濡之。氣留而不行者。爲氣先病也。血滯而不濡者。謂血後病也。故先爲是動。後所生也。

儒

响吹噓也。濡潤澤也。氣主吹噓往來而不息。血主潤澤經絡而不枯。氣爲風邪所搏則留止而不行。而爲之是動。此氣之先病而傳與血。血復受風邪故壅滯而不濡。而血亦從而病焉。是知氣先病乃有是動。血後病之所由生也。

○二十三難曰。手足三陰三陽脉之度數可曉以不然。手三陽之脉從手至頭長五尺。五六合。三丈。手三陰之脉從手至臂中長三尺五寸。三六一丈八尺。五六三尺合二丈一尺。足三陽之脉從足至頭長八尺。六八四丈八尺也。足三陰之脉從足至臂長六尺五寸。六六三丈六尺。五六三尺合三丈九尺。人兩足蹠脉從足至目長

七尺五寸。二七一丈四尺。二五一尺。合一丈五尺。督脉
任脉各長四尺五寸。二四八尺。二五 尺。合九尺。凡脉
長一十六丈二尺。此所謂經脉長短之數也。（不）否月（通）
（音）脾又去
（如）字

手足各有三陰三陽。爲十二經。紀氏曰。十二經周行
一身。分流如派。其尺寸之數。然各有長短焉。手之三
陽。從手走至頭。手之三陰。從腹走至手。足之三陽。從
頭下走至足。足之三陰。從足上走入腹。又兼督任陽
蹻之脉。其相通灌。周遊於身。然陽蹻與督任脉。非十
二經數。乃奇經也。奇經八脉。獨此三經與十二經相
灌。餘經不得相通者。謂陽維與陰維。皆維絡於身。帶

脉廻身一周。衝脉起於氣衝。並足陽明之經。夾臍上行。而散陰蹻。起於跟中。上行至咽喉。交貫衝脉。謂行經盡。不能與十二經相繼。以此不得相通灌。故此不言長短之數。今十二經與督任陽蹻之脉。長短丈尺之數。共合得一十六丈二尺。

經脉十二。絡脉十五。何始何窮也。然經脉者行血氣通陰陽。以榮於身者也。其始從中焦。注手太陰陽明。陽明注足陽明太陰。太陰注手少陰太陽。太陽注足太陽少陰。少陰注手。手心少陽。少陽注足少陽厥陰。厥陰復還注手太陰。別絡十五。皆因其原。如環無端。轉相灌。既朝於寸口。人迎以處百病。而決死生也。

如字 去声 有謝國上声

經者徑也。經脉流行，血氣流通，徑路往來，以榮華一
身者也。絡者，經之旁出者也。絡之餘曰孫絡。十二經
即有十二絡。餘三絡者，陽蹻、陰蹻之絡及脾之大絡
也。共成十五絡也。每平旦，血脉流通，始從中焦而起，
先注肺，與大腸；注胃，與脾；脾注心，小腸；小腸注
膀胱，與腎；腎注心，包絡；三焦注膽，與肝；血脉至
肝而藏，明日平旦，從中焦復還，注肺。餘十五絡，因隨
經之本原，以相流通，血脉循環，終而復始，灌溉經絡
之中。每平旦，則諸脉皆朝於右手寸口。寸口即氣口
也。本經言人迎，蓋傳寫之誤也。寸口乃脉之太會，故
能知五藏六府之病，以決其吉凶也。

經云明知終始。陰陽定矣。何謂也。然終始者。脉之紀也。
寸口人迎。陰陽之氣通於朝使如環無端。故曰始也。終
者。三陰三陽之脉絕。絕則死。死各有形。故曰終也。
去一

萬物皆有陰陽。故終始在陰陽之所定。乃脉道之紀
綱也。本經人迎亦當作氣口。言三陰三陽之經脉自
平旦朝會於右寸。氣口而始循環者。始也。陽也。終至
三陰三陽之脉絕而死者。終也。陰也。死各有形者。謂
足少陰氣絕之形在齒長而枯。肉濡足太陰氣絕之
形在肉滿唇反足厥陰氣絕之形在舌卷仰縮手太
陰氣絕之形在皮枯毛折。手少陰氣絕之形在面黑

如薰三陰氣絕之形在。目眩目瞑六陽氣俱絕在。汗出如珠氣之將絕而死則各見其形以示終也。

○二十四難曰手足三陰三陽氣已絕何以爲候奇知其吉凶不然足少陰氣絕即骨枯少陰者冬脉也伏行而溫於骨髓故骨髓不溫即肉不著骨骨肉不相親即肉濡而却肉濡而却故齒長而枯髮無潤澤無潤澤者骨先死戊日篤巳日死。（音軌）上声（先）去声下月

却縮也。吉凶生死之兆可候其證而知之。此言足少陰腎之經內主骨外榮髮。今腎之絕則骨枯髮焦先示死之兆。腎爲水故死於戊巳土日土剋水也。

足太陰氣絕則脈不營其口唇口唇者肌肉之本也。脉

不營則肌肉不滑澤。肌肉不滑澤則肉滿。肉滿則唇反。
唇反則肉先死。甲日篤。乙日死。（因平声）

足太陰脾之經主肌肉。其華在唇。其竅在口。脾之絕
則肉滿。唇反先示死之兆。脾屬土。故死於甲乙木日。
木尅土也。

足厥陰氣絕即筋縮。引卵與舌卷。厥陰者肝脉也。肝者
筋之合也。筋者聚於陰器而絡於舌本。故脉不營即筋
縮急。筋縮急即引卵與舌。故舌卷卵縮。此筋先死。庚日
篤。辛日死。（卷上声）

足厥陰肝之經內主筋外榮爪。肝之絕則筋縮爪枯。
先示死之兆。肝屬木。故死於庚辛金日。金尅木也。

手太陰氣絕即皮毛焦太陰者肺也行氣溫於皮毛者也。氣弗營則皮毛焦。皮毛焦則津液去。津液去則皮節傷。皮節傷則皮枯毛折。毛折者則毛先死。丙日篤丁日死。傷傷音精亦

手太陰肺之經主皮毛。肺之絕則皮枯毛折先示死之兆。肺屬金故死於丙丁火日。火剋金也。

手少陰氣絕則脉不通。脉不通則血不流。血不流則色澤去。故面色黑如黧。此血先死。至日篤癸日死。而黃也

手少陰心之經主血脉。心之絕則血脉不營。故面色如蠟。是血脉先示死之兆。心屬火故死於壬癸水日。

水剋火也

三陰氣俱絕則目眩轉目瞑。目瞑者為失志。失志者則志先死。死即目瞑也。（四）青。縣。圖。音。具。

眩轉目反也。瞑目閉也。志者五志也。肝志怒。心志喜。脾志思。肺志憂。腎志恐。五藏之脉皆屬於三陰。皆應會於目。三陰之氣絕。五藏之脉絕矣。五藏之脉既絕。不能管於目。故目或反或閉。而不識人。安能志乎。喜怒哀思憂恐也哉。欲知五藏之絕。先察其志。欲知其志。先觀其目之眩瞑也。是志先死矣。

六陽氣俱絕則陰與陽相離。陰陽相離即滕理泄。絕汗乃出。大如貫珠。轉出不流。即氣先死。旦占夕死。夕占旦

死（音美）

六陽者手足三陽府也。手三陽通天氣曰陽足。三陽通地氣曰陰。天地否隔陰陽相離則腠理開泄故汗出不流此氣之先死也。占者知不滿一月而死。

○二十五難曰有十二經五藏六府十一耳其十二經者何等經也。然一經者手少陰與心主別脉也。心主與三焦為表裏俱有名而無形故言經有十二也。（同前列云）

手少陰是真心脉為君火。手心主是心包絡脉為相火。相火與三焦合為表裏二者俱有其名而無其形。心包絡乃漫脂之外有細筋膜如絲與心肺相連屬手厥陰經以通五藏六府為十二經也。三焦詳見三

十一難

○二十六難曰。經有十二。絡有十五。餘三絡者。是何等絡也。然有陽絡。有陰絡。有脾之太絡。陽絡者。陽蹻之絡。陰絡者。陰蹻之絡。故絡有十五焉。音廣。又音處。又

經之支派。而旁出者。為絡。按十二經有十二絡。餘三絡者。陽絡。陰絡。陽蹻。陰蹻之絡也。除小絡之外。有一太絡。是脾之絡。是故共有十五絡也。蹻。說見下難。○二十七難曰。脉有奇經。小脉者。不拘於十二經。何謂也。然有陽維。有陰維。有陽蹻。有陰蹻。有衝。有督。有任。有帶之脉。凡此小脉者。皆不拘於經。故曰奇經。小脉也。經者。常經。而不變也。奇經者。奇異各別於正經。不在

十二經之拘制也

經有十二。絡有十五。凡二十七氣相隨上下。何獨不拘於經也。然聖人圖設溝渠通利水道。以備不然。天雨降下。溝渠溢滿。當此之時。陂澤疾行。聖人不能復圖也。此絡脉滿溢。諸經不能復拘也。醫經音義卷八下

十二經十五絡合二十七氣相隨上下。此奇經八脉何故不拘於經。聖人計設溝渠通利水道以防不測。忽然天降猛雨。溝渠滿溢。聖人不能復設計。從仍陂澤泛溢橫流。譬若經脉隆其滿溢。泛流於奇經八脉別道而行。是則諸經聽從。妄行別道。不能拘束之也。二十八難曰。其奇經八脉者。既不拘於十二經。皆何

銅人明堂風府一
寸上

起何繼也

八脉既平伏十一經之拘束然始從何起終何所繼
斷處也

然督脉者起於下極之俞並於脊上至風府入屬於
腦

下極長強穴也在脊骶風府穴在腦後髮上三寸督
都也人背為陽故督脉能督行諸脉復能收拾諸脉
而為陽脉之都綱

任脉者起於中極之下以上至毛際循腹裏上關元至
喉咽

臍下三寸曰關元四寸曰中極毛際陰毛之際也任

者姓也猶人生養之元氣

衝脉者起於氣衝併足陽明之經夾臍上行至胃中而散也

氣衝穴在少腹毛中兩旁各二寸足陽明脉之所發處已上三者之脉皆始於氣衝下原而分三岐督脉行背而應乎陽任脉行腹而應乎陰衝脉若衝之衝而直行於上為十二經脉之海揔領諸經者也帶脉者起於季脇迴身一周

季脇在肋下接腰脊之間即章門穴也迴繞也繞身一周如束帶故名帶也

陽蹻脉者起於跟中循外踝上行入風池陰蹻脉者亦

起於跟中。循內踝上行至咽喉。交臂衝脉。

循外踝申脉穴也。風池穴在頰後髮際陷中。循內踝照海穴也。外踝至風池脉行於背應乎陽為陽蹻。內踝至咽喉脉行於腹應乎陰為陰蹻。蹻者捷疾也。言此脉之行如動足之行步而捷疾也。

陽維陰維者維絡於身。溫者不能環流。維者不能維持。故陽維起於諸陽會也。陰維起於諸陰交也。

維持也。陽維持諸陽。陰維持諸陰。包絡諸經維持一身。謂諸陽之會如府會太倉之類是也。諸陰交者如足太陰之循脛骨交出厥陰之前。足厥陰之脉交出太陰之後。此類是也。溫者不能環流。既維諸經者也。

此十二字或云衍文或云當在下文亦不能拘之之下

比于聖人圖設溝渠溝渠滿溢流於深澗故聖人不能拘通也而人脉隆甚入於八脉而不還周故十二經亦不能拘之其受邪氣畜則腫熱發射之也（圖非入声）非庸反（圖音石）

此之八脉比如聖人設溝渠水滿流于湖聖人復不能拘通人脉隆甚泛溢橫流於八脉別道而行却不環流於諸經故十二經亦不能拘制故八脉因此受其邪遂蓄熱在內則為瘡瘍熱腫當以砭石而射之射者刺也

○二十九難曰奇經之為病何如然陽維維於陽陰維維於陰陰陽不能自相維則悵然失志溶溶不能自收持陽維為病苦寒熱陰維為病苦心痛陰蹻為病陽蹻為病陽蹻為病陰蹻為病陽蹻而陽急衝之為病逆氣而裡急督之為病脊強而厥任之為病其內苦結男子為七疝女子為瘕聚帶之為病腹滿腰溶溶若坐水中此奇經八脉之為病也

去声 所發反 音加

陽維維持諸陽之脉陰維維持諸陰之脉二脉既受邪陰陽不能相維持則悵然驚恐而失志溶溶然如恍惚不能自收拾主持其身故陽維病在外屬表故外有寒熱陰維病在內屬裏陰為血血心之所主故

內心痛○陰蹻為病邪在陰經故陰脉緊急陽不受邪其脉自舒緩陽蹻為病邪在陽經故陽脉緊急陰不受邪其脉自舒緩也○衝脉有邪其氣逆而不上是不能衝於胃中而散乃結聚於腹中而急痛也○督之病督脉在脊督為陽陽受邪陰陽不能相順接故脊強而手足厥冷也○任之病主腹內結積而不散男子因氣之結積為七疝之疾女子因血之停聚為小產之疾○帶之病主腰脹滿緣帶脉繞身一周故其腰不知所之溶溶然如坐水中也